

आकाशवाणी

खास-खास खबरां

- राष्ट्रपति द्रौपदी मुर्मू होरें आखेआ जे “विकसित भारत” छड़ा गुणवत्ता शिक्षा कन्नै गै मुमकिन होग- 48 स्कूली शिक्षकें गी राष्ट्रीय पुरस्कार भेंट कीते।
- प्रधानमंत्री नरेन्द्र मोदी होरें शिक्षकें कन्नै छात्रें दे जीवन गी आकार देने दे दौरान पाठ्यपुस्तकें थमां परे जाने दा आग्रह कीता- बच्चें लेई Screen Time घट्ट करने ते खेड्डें च बाहरी गतिविधियें च उन्दा रुझान बधाने दा बी आह्वान कीता।
- बिहार दे 14 जिलें च बाढ़ दे हालात गंभीर बने दे न- राहत ते बचाव लेई कम्मकाज जारी।
- भारत ने बाढ़ प्रभावित नेपाल गी 95 टन दी राहत सामग्री सौंपी ते जरूरत मताबक होर आपूर्ति भेजने दा आश्वासन दिता।
- संयुक्त राष्ट्र UN ने अफ्रीका दे स्टीक आकार गी दर्शाने आले नमें विशेष नक्शे गी अपनाने लेई मतदान कित्ता।
- ते महिला क्रिकेट च अज्ज रातीं दुबई च टी-20 एशिया कप दे खीरी ग्रुप मकाबले च भारत दा मकाबला पाकिस्तान कन्नै।

<><><><><><>

Prez- VB

राष्ट्रपति द्रौपदी मुर्मू होरें अज्ज आखेआ ऐ जे मुख्य गी विकसित भारत गुणवत्ता पूर्ण शिक्षा कन्नै गै चलाया जाई सकदा ऐ। नमीं दिल्ली च “शिक्षक दिवस” दे मौके पर “राष्ट्र शिक्षक पुरस्कार 2026” समारोह गी सम्बोधित करदे होई राष्ट्रपति होरें गलाया जे जेड़ा समाज अपने शिक्षकें दी इज्जत करदा ऐ-उयै सेही मायने च इक्क प्रगतिशील समाज हुंदा ऐ। उ’नें इब्बी आखेआ जे मुल्ले दे विकास च शैक्षणिक उत्कृष्टता- कौशल विकास ते उद्यमिता- महत्वपूर्ण भूमिका निभांदे ना।

उ’नें एह उल्लेख कित्ता जे भारत गी दुनिया दी “कौशल राजधानी” दे रुपै च स्थापित करना ते ज्ञान शक्ति बनाना साढ़े मुल्ले दी प्राथमिकता ऐ। ज्ञान दे महत्व पर लौह पांटे होई उ’नें इस शक्ति गी इसी शक्ति दा सब्बनें शा बड्डा स्रोत दस्सेआ ते आखेआ जे शिक्षा मनुक्खें गी सुतैतर रुप कन्नै सोची समझियै फैसले लैने ते राष्ट्र दी प्रगति च सार्थक योगादन देने लेई सशक्त बनांदी ऐ। राष्ट्रपति होरें इब्बी गलाया जे पूरी लगन कन्नै कम्म करने आले शिक्षक मुल्ले दा निर्माण करने च सब्बनें शा अगगे खड्डौं दे ना। राष्ट्रपति द्रौपदी मुर्मू होरें महिलाएं दे अधिकारें ते शिक्षा गी अगगे बधाने लेई सावित्री भाई फुले हुंदी महत्वपूर्ण भूमिका गी बी चेता कीता।

<><><><><><>

PM –Teachers Day

प्रधानमंत्री श्री नरेन्द्र मोदी होरें शिक्षकें गी आखेआ जे ओह छात्रें दे जीवन गी सवा’रदे होई समय पाठ्य पुस्तकें यानि Text Books थमां अगगे बधियै कम्म करन ते उन्दे बचपन गी बचाई रखते च बड्डी भूमिका निभाना।

उ’नें कल नमीं दिल्ली च राष्ट्रीय शिक्षक पुरस्कार विजेताएं कन्नै गल्लबात करदे होई एह गल्लां आख्यां। सोशल मीडिया पोस्ट पर शिक्षकें कन्नै गल्लबात दी झलकियां सांझा करदे होई प्रधानमंत्री होरें इस गल्ल पर जोर दिता जे शिक्षकें गी एह सुनिश्चित करना लोडचदा जे हर छात्र दे अंदर दा बड्डा जिंदा रवै ते एदे लेई उ’नें शिक्षकें गी बी अपने अंदर दा बड्डा बचाये रखना लोडचदा। श्री मोदी होरें जोर देइयै आखेआ जे बच्चें च वास्तविक बदलाव आनने लेई शिक्षकें गी छड़ा पाठ्यक्रम तगर सीमित रौहने दे बजाए उन्दे जीवन दा हिस्सा बनना होग।

मुख्य स्वास्थ्य ते सामाजिक मुद्दें पर लौह पांटे होई श्री मोदी होरें बच्चें च Screen Time दी अत्यंत आदत पर चैता जाहर कित्ती ते इस लत गी दूर करने लेई प्रभावित तरीके दस्से- जिंदे च खेड्ड- बाहरी गतिविधियें ते रचनात्मक कार्य शामिल ना।

<><><><><><>

Prez- Teachers Day

राष्ट्रपति द्रौपदी मुर्मू होंरें अज्ज “राष्ट्रीय शिक्षक” पुरस्कार भेंट कीते। 27 राज्यें- 7 केन्द्र शासित प्रदेशों ते 6 संगठनों थमां 48 चुने गेदे स्कूली शिक्षकों गी एह पुरस्कार दिते गे। राष्ट्रपति होंरें उच्च शिक्षण संस्थानें च पॉलिटैक्रिक दे 21 शिक्षकों ते संकायें गी भी राष्ट्र पुरस्कार भेंट कीते- जिंदे च उच्च शिक्षक संस्थानें थमां 5- राज्य विश्वविद्यालयें थमां 5 जिंदे च 3 सरकारी ते 2 निजी कालेज शामिल हे ते पॉलिटैक्रिक थमां 4- जिंदे च 2 सरकारी ते 2 निजी पॉलिटैक्रिक शामिल न- उनें गी पुरस्कारें आस्तै चुनेआ गेआ हा। इस मौके पर हर इक्क पुरस्कार विजेता राएं किते गेदे शानदार कर्म्मों गी दस्सने लेई निक्की फिल्मों बी दस्सियां गेइयां।

<><><><><><>

EAM-UNGA

विदेशमंत्री डाक्टर एस. जयशंकर होंर इस महीने दी 26 तरीक गी संयुक्त राष्ट्र महासभा दे सलाना उच्च स्तरीय सत्र गी सम्बोधित करडन। ओह 22 थमां 28 सितम्बर तगर चलने आले इस सत्र च भारत दा पक्ख पेश करडन। एह उच्च स्तरीय सत्र ऐसे समें च होआ रदा ऐ जिसलै दुनिया गी केई भू-राजनीतिक संघर्ष ते बध्दे आर्थिक दबाव दा सामना करना पवा रदा ऐ।

<><><><><><>

Bihar -Floods

बिहार दे 14 जिले च बाढ़ दी स्थिती गंभीर बनी दी ऐ जेदे च उत्थु दी राजधानी पटना बी शामिल ऐ। केई नदियां खतरे दे निशान थमां उप्पर आई चुकी दियां न जदके खलके इलाकें च पानी भरोचे दा ऐ। प्रभावित जिलें च राहत ते बचाव लेई कम्मकाज जारी ऐ। बिहार दी प्रमुख नदियां- जिंदे च गंगा- गंडक ते कोसी शामिल ऐ इन्दा जलस्तर लगातार बढ़ा'रदा ऐ।

बाढ़ ने कुल 16 जिलें गी प्रभावित कीता ऐ- जदके पटना सनें 14 जिलें च हालात गंभीर बने दे न। जल संसाधन विभाग दे मुताबक पटना च गंगा नदी खतरे दे निशान कोला 2 मीटर उप्पर पुज्जी दी ऐ। विभाग दा आखना ऐ जे गांधी घाट Gauge साइट पर बाढ़ दा पानी अपने सबने शा उच्चे स्तर पर पुज्जी सकदा ऐ- जेदे करी नदी दे आले- दोआले दे इलाकें च खतरा बधी सकदा ऐ। विभाग ने बाढ़ दे हालात गी दिक्खदे होई संबंधित जिलें गी सब्बनें एहतियात हीलें लैने दे निर्देश दिते न।

<><><><><><>

EAM Nepal

विदेश मंत्रालय ने दस्सेआ ऐ जे नेपाल च बाढ़ प्रभावित त्रिशुली बाजार इलाके थमां इक 5 साल दे बच्चे समेत 3 होंर भारतीय नागरिकें गी सुरक्षित बचाई लैता गेआ ऐ। इनें मलाइयै हुने तोड़ी बचाए गेदे भारतीय नागरिकें दी कुल संख्या 169 होई गेई ऐ। कल नमीं दिल्ली च मीडिया गी जानकारी दिंदे होई विदेश मंत्रालय दे प्रवक्ता रणधीर जायसवाल होंरें दस्सेआ जे अजें बी 275 भारतीय नागरिक लापता न। उनें गलाया जे पिच्छले महीने दी 26 तरीक गी आई दी भयानक अचानक बाढ़ दे मगरा भारत ने नेपाल गी तकरीबन 95 टन राहत समग्री भेजी ऐ। प्रवक्ता होंरें एह भरोसा दोआया जे भारत- नेपाल सरकार दी जरूरतें मुताबक अगो बी मदद करोग। उनें इब्बी आखेआ जे औने आले दिनें च भारत- नेपाल सरकार दी मंग पर और ज्यादा फारेंसिक किट समेत होंर जरूरी समयान भेजने दी तयारी करा'रदा ऐ। एदे चलदे प्रभावित इलाकें थमां होंर शव मिलने दे परैन्त नेपाल च बाढ़ कन्नै मरने आलें दी कुल गिनतरी बधियै इक जहार 344 होई गेई ऐ।

<><><><><><>

IFFJK-Prep.

श्रीनगर, जम्मू ते गुलमर्ग च 7 सितंबर कोला लेइयै 10 सितंबर धोड़ी आयोजित कीते जा'रदे जम्मू-कश्मीर दे पैहले- पैहले अंतरराष्ट्री फिल्म उत्सव-2026 लेई लोडचदी सब्बै तैयारियां करी लैतियां गेदियां न तां जे इस आयोजन गी पूरी चाल्ली बवस्था आहले ढंगै सिर तोढ़ चाढ़ेआ जाई सकै। 4 दिनें दे इस फिल्मोत्सव च 41 बकख-बकख मुल्लें दियां फिल्मों दस्सियां जाडन। फिल्मोत्सव गी दिलचस्प ते यादगार बनाने लेई केई गतिविधिएं गी बी एहदे च शामिल कीता गेदा ऐ जिंदे च रातींलै फिल्म स्क्रीनिंग दी बवस्था, फ्लोटिंग सिनेमा ते बड्डी धाम जनेए आयोजन बी शामिल न। आयोजन दी कामयाबी लेई सुरक्षा, ट्रैफिक प्रबंधन, बिजली-पानी, आयोजकें बश्कार तालमेल ते लोडचदी हर बरीकी

पर ध्यान दित्ता जा'रदा ऐ। बाहरा औने आहले परोहनें लेई मैहकमे जम्मू-कश्मीर दे सैलसफा, दस्तकारिएं ते सांस्कृतिक विरासत गी बढ़ावा देने लेई बक्ख-बक्ख तरीकाकार पर कम्म करा'रदे ना।

<><><><><><>

Swachhata hi Seva

आवास ते शैहरी मामलें दे मंत्री मनोहर लाल होरें अज्ज जल शक्ति मंत्री C.R. पाटिल ते होरनें वरिष्ठ अधिकारियें कन्नै इक अंतर मंत्रालयी वर्चुअल बैठक दी अध्यक्षता कीती तां जे “स्वच्छता ही सेवा 2026” दी तैयारियें दी समीक्षा कीती जाई सकै। इक सोशल मीडिया पोस्ट च मनोहर लाल होरें आखेआ जे जियां गै एह अभियान अपने 9में संस्करण च प्रवेश करा'रदा ऐ देश इक स्वच्छ ते स्वस्थ भारत लेई अपनी वचनबद्धता गी जकीनी बना'रदा ऐ। उंनं नागरिकें गी अगो औने आस्तै इस अभियान च पूरे मनै कन्नै हिस्सा लैने ते “स्वच्छता ही सेवा” गी इक सच्चा जन-आंदोलन बनाने दा आग्रह कीता। “स्वच्छता ही सेवा 2026 अभियान” इस महीने दी 17 तरीक थमां अक्तूबर दी 2 तरीख तोड़ी मनाया जाग।

<><><><><><>

Fast Bowler Asian Games

जम्मू-कश्मीर दे तेज़ गेंदबाज रसिख सलाम डार 2026 दी एशियाई खेड्डें लेई नेट गेंदबाज दे तौर पर जापान च टीम इंडिया च शामिल होने आस्तै पूरी चाल्ली तैयार न- जेहड़ा उन्दी क्रिकेट यात्रा च इक होर बड़ा मील दा पत्थर ऐ। 26एं बरें दे इस तेज़ गेंदबाज गी रॉयल चैलेंजर्स बेंगलुरु कन्नै IPL-2026 दे शानदार सीजन दे बाद इक बड़ी पंछान थोई ऐ। रसिख ने 12एं मैचें च 19 विकेटां लैतियां ते फाइनल च मैच जिताने आहला प्रदर्शन करदे होई 27 रन्ज़ देइयै 3 विकेटां हासल कीतियां। ओह टूर्नामेंट च अनकैण्ड खड्डारियें च सब्बनें शा मतियां विकेट लैने आहलें गेंदबाज रेह। भारतीय टीम कन्नै उन्दा जुड़ना जम्मू-कश्मीर लेई इक होर गौरवपूर्ण पल ऐ।

<><><><><><>

Coal Ministry –Lignite

कोयला मंत्रालय नै इनें रिपोर्टें गी खारज करी दिता ऐ जिंदे च आखेआ गेआ हा जे 37 ज्हार 500 करोड़ रपे दी कोयला ते लिगनाइट गैसीकरण परियोजना गी बढ़ावा देने आहली योजना दे तैहत कोई आवेदन हासल नैई होआ ऐ। मंत्रालय नै आखेआ ऐ जे एह रिपोर्टां समें शा पैहले जारी कीतियां गेइयां न ते तथ्यात्मक तौर उप्पर गलत ना।

<><><><><><>

UNGA –New Word Map

अफ्रीकी संघ AU दे अध्यक्ष महमूद अली युसफ होरें संयुक्त राष्ट्र UN राष्ट्र महासभा दे प्रस्ताव दा सुआगत कीता। एह प्रस्ताव दुनिया दे नक्शे च बदलाव आस्तै ऐ। उन दुनिया भर च Equal Earth नक्शे दा इस्तेमाल करने लेई आखेआ गया ऐ। उनें तोड़ी मर्केटर नां दा नक्शा चला'रदा ऐ। पुराना Mercator नक्श दुनिया दे मुलखें ते महाद्वीपें दा असली आकार गलत दस्सदा ऐ। संयुक्त राष्ट्र महासभा ने पारम्परिक विश्व नक्शे गी इक्क ऐसे नक्शे च बदलने लेई मतदान किता ऐ- जेड़ा अफ्रीका दे आकार गी हुन स्टीक रुप कन्नै दर्शाग। इस प्रस्ताव दा नां UN Correct the map यानि नक्शा सेही करो ऐ। इसी टोगो देश ने पेश कित्ता हा ते अफ्रीका संघ (AU_ ने एदा साथ दित्ता। एह प्रस्ताव 164 मुलखें दे समर्थन कन्नै पास होई गेआ ऐ- जेदे च भारत- फ्रांस- UK जनेह मुलखें बी एदे पक्ख च वोट दिता। अमरीका एदे खलाफ मतदान करने आला इक्कला मुलख हा- जदके होरनें 6 मुलखें एदे च मतदान नैई कीता।

<><><><><><>

Asia Cup

महिला टी-20 एशिया कप 2026 च अज्ज भारत ते पाकिस्तान दिएं टीमें बश्कार मकाबला होग। ग्रुप-ए दा एह बड़ा दिलचस्प मकाबला रौहने दी मेद ऐ। भारतीय समें दे मताबक मैच अज्ज रातीं 8 बजे शुरु होग। दुबई इंटरनैशनल क्रिकेट स्टेडियम च खेड्डे जाने आहले इस मैच दे कन्नै गै भारतीय कप्तान हरमनप्रीत कौर 150 अंतराष्ट्रीय टी-20 मैचें दी कप्तानी करने आहली दुनिया दी पैहली क्रिकेटर बनी जाग। भारती महिला टीम अपने शुरुआती दमै मैच जितिये पैहले गै सेमीफाइनल च अपनी थाहर पक्की करी चुकी दी ऐ- जिसले कि पाकिस्तान गी सेमीफाइनल दी रेस च बने रौहने लेई इस मैच च बेहतर प्रदर्शन करना होग।

<><><><><><>

BJP Spokesperson

BJP दे राश्ट्र प्रवक्ता डाक्टर सुधांशु त्रिवेदी होरें तेलंगाना च इक्क महिला मंत्री गी हटाए जाने गी अन्याय दी कार्रवाई दस्सेआ ऐ। नमीं दिल्ली च इक्क संवाददाता सम्मेलन गी सम्बोधित करदे होई डाक्टर त्रिवेदी होरें इस मुद्दे पर कांग्रेस नेताएं राहुल गांधी ते मल्लिकार्जुन खड्गे हुंदी चुप्पी पर सवोआ पुट्टेआ। झारखंड च पेपर लीक दा जिक्र करदे होई उ'नें आरोप लाया जे एह छडा पेपर लीक नेई पेपर लूट ऐ। डाक्टर त्रिवेदी होरें आखेआ जे झारखंड लोक सेवा आयोग परीक्षा दी जांच च नियमें दा उल्लंघन दा पता चलेआ ऐ जेदे च स्ट्रांग रुम गी तोड़ियै खोलना ते प्रश्न-पत्रें कन्नै छेड़छाड़ करना शामिल ऐ।

<><><><><><>

Maha Dahi Handi

“श्री कृष्ण जन्माष्टमी” कन्नै जुड़े दा “दही हांडी” उत्सव अज्ज महाराष्ट्र च बड़े जोश-खरोश कन्नै मनाया जा'रदा ऐ। मुम्बई ते एहदे आले-दोआले दे जिलें च भगवान कृष्ण हुंदे जन्म कन्नै जुड़े दे रिवायती त्योहार “दही हांडी” गी खुशी ते उत्साह कन्नै मनाया जा'रदा ऐ। इस कार्यक्रम दौरान युवा प्रतिभागी मनुक्खी पिरामिड बनाइयै दही दुद्ध जां मक्खन कन्नै भरोचे दे घडें त्रोटके न जिनें'गी उच्चे थहारै पर लटकाए दा ऐ। महाराष्ट्र सरकार नै 160 ज्हार गोविंदें लेई बीमा सुरक्षा दा बी इंताजाम कीता ऐ।

<><><><><><>